

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«Հայաստանի պետական տնտեսագիտական համալսարան» ՊՈԱԿ-ի և «Գորիսի պետական համալսարան» ՊՈԱԿ-ի միջև

Ք.Երևան

14 փետրվարի 2020թ.

«Հայաստանի պետական տնտեսագիտական համալսարան» ՊՈԱԿ-ը (այսուհետև՝ ՀՊՏՀ), ի դեմս ռեկտորի պաշտոնակատար Դիանա Գալոյանի, ով գործում է ՀՊՏՀ-ի Կանոնադրության հիման վրա՝ մի կողմից և «Գորիսի պետական համալսարան» ՊՈԱԿ-ի (այսուհետև՝ ԳՊՀ), ի դեմս ռեկտոր Արտուշ Ղուկասյանի, ով գործում է ԳՊՀ-ի Կանոնադրության հիման վրա՝ մյուս կողմից, (այսուհետև՝ Կողմեր), հիմք ընդունելու միջբուհական համագործակցության ապահովման, կողմերի գիտատեսազոտական և կադրային կարողությունների լիարժեք օգտագործման և առաջավոր փորձի փոխանակման անհրաժեշտությունը, կնքեցին համագործակցության հուշագիր (այսուհետև՝ Հուշագիր հետևյալի մասին.

1. Հուշագրի առարկան

1.1. Հուշագրի առարկան Կողմերի համագործակցության նպատակի, գործընկերության հիմնական ուղղությունների, Կողմերի իրավունքների և պարտականությունների սահմանումն է:

2. Հուշագրի նպատակը և համագործակցության հիմնական ուղղությունները

2.1. Հուշագրի նպատակը Կողմերի միջև կրթական և գիտահետազոտական ոլորտներու գործընկերային հարաբերությունների հաստատումն է, համագործակցության ծրագրերի իրականացումը՝ Հուշագրի 2.2. կետում նախատեսված ուղղություններով:

2.2. Կողմերի համագործակցության հիմնական ուղղություններն են.

ա) ՀՊՏՀ-ում և ԳՊՀ-ում իրականացվող կրթական, միջազգային դրամաշնոհային ծրագրերի մասին տեղեկությունների տրամադրում, համատեղ կամ կրկնակի աստիճանաշնորհմամբ կրթական ծրագրերի իրականացմանն ուղղված աշխատանքների քննարկում և կազմակերպում,

բ) ՀՊՏՀ-ում և ԳՊՀ-ում մշակված առարկայական ծրագրերի, կրթական ծրագրերի արտաքին փորձագիտական գնահատման աշխատանքների իրականացում,

գ) օրենսդրությանը համապատասխան սովորողների և պրոֆեսորադասախոսական կազմի անդամների ակադեմիական շարժունության իրականացում՝ նախապես հաստատելով փոխանակման պայմանները, ֆինանսավորումը,

դ) սովորողների և դասախոսների՝ մասնագիտական վերապատրաստումների վարպետության դասերի, կլոր սեղանների, թեմատիկ բանավեճերի կազմակերպում,

ե) համատեղ գիտահետազոտական ծրագրերի իրականացում,

- զ) ՀՊՏՀ-ի և ԳՊՀ-ի գիտական ամսագրերում համատեղ ուսումնագիտական հետազոտությունների արդյունքների հրատարակում,
- է) սովորողների ավարտական աշխատանքների, մագիստրոսական թեզերի փոխադարձ ղեկավարում և գրախոսում, գիտակրթական և մեթոդական գրականության ու մասնագիտական զարգացմանը նպաստող էլեկտրոնային աղբյուրների տրամադրում, գիտական աշխատությունների, դասագրքերի, ուսումնական նյութերի ուսումնամեթոդական ձեռնարկների մշակում և խմբագրում,
- ը) համատեղ հանրապետական և միջազգային գիտաժողովների կազմակերպում,
- թ) համատեղ կրթական, գիտական ուղղվածության դրամաշնորհային ծրագրերի իրականացում,
- ժ) կողմերի իրականացրած այլ կրթական, գիտական, մշակութային ծրագրերին կազմակերպած միջոցառումներին մասնակցություն:

3. Կողմերի իրավունքներն ու պարտականությունները

- 3.1. Կողմերն իրավունք ունեն հանդես գալու Հուշագրով նախատեսված միջոցառումների կազմակերպման ու անցկացման նախաձեռնողի դերում:
- 3.2. Համագործակցության նպատակով, Հուշագրի հիման վրա, Կողմերը պարտավորվում են.
 - ա) ժամանակին միմյանց փոխանցել համապատասխան տեղեկատվություն, որը վերաբերում է Հուշագրով նախատեսված համատեղ ծրագրերի ու միջոցառումների անցկացմանը,
 - բ) անվճար հիմունքներով խորհրդատվություն տրամադրել ծրագրի ու միջոցառումների կազմակերպման ու անցկացման հարցերում,
 - գ) ապահովել անհրաժեշտ նյութական բազա և պայմաններ՝ համատեղ ծրագրերի իրականացնելու և միջոցառումներ անցկացնելու համար,
 - դ) նախօրոք տեղյակ պահել միմյանց համագործակցության ընթացքում առաջացող խնդիրների մասին և համատեղ ուժերով ապահովել դրանց լուծումը:

4. Հուշագիրն ուժի մեջ մտնելու և գործողության ժամկետները

- 4.1. Հուշագիրը բաղկացած է 3 թերթից և ուժի մեջ է մտնում Կողմերի ստորագրման պահից:
- 4.2. Հուշագիրը կնքվում է 5 տարի ժամկետով: Ժամկետը լրանալուց հետո, եթե որևէ Կողմից այլ առարկություն չի լինում, ապա Հուշագրի գործունեության ժամկետն շարունակվում է ևս 5 տարի:
- 4.3. Հուշագիրը կարող է լուծվել Կողմերի փոխադարձ համաձայնությամբ:
- 4.4. Կողմերից մեկի նախաձեռնությամբ Հուշագրի դադարեցման դեպքում նախաձեռնող Կողմը այդ մասին գրավոր լուծման պահից առնվազն 10 օր առաջ պետք է տեղեկացնի մյուս կողմին:

5. Եզրափակիչ դրույթներ

5.1. Հուշագիրը Կողմերի համար որևէ ֆինանսական պարտավորություն չի առաջացնում:

6. Կողմերի հասցեները

«Հայաստանի պետական տնտեսագիտական
համալսարան» ՊՈԱԿ

Հասցե՝ ՀՀ ք. Երևան, Նալբանդյան 128

Էլ. Հասցե՝ info@asue.am; rector@asue.am

Հեռ.՝ +374 10 521720

Գորիսի պետական համալսարան
ՊՈԱԿ

Հասցե՝ ՀՀ, ք. Գորիս, Ավանգարդ 4

Էլ. Փոստ՝ gorissu@mail.ru

Հեռ.՝ +374 0284 2 27 67; 098196701



Ռեկտոր

«10» փետրվարի 2020թ.

Ռեկտոր

Ա. Դուկասյան



2020թ.